



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-01-04- *70042* /20
Sarajevo, 06. 05.2020. god.

SKUPŠTINA KANTONA SARAJEVO
-Predsjedavajući Skupštine -
O v d j e

PREDMET: Odgovor na zastupničku inicijativu, daje se

Na 22. Radnoj sjednici Skupštine Kantona Sarajevo, održanoj dana 11.03.2020. godine u okviru tačke Dnevnog reda: "Poslanička/zastupnička pitanja, inicijative i odgovori" a u skladu sa Poslovníkom Skupštine Kantona Sarajevo zastupnica Vildana Bešlija uputila je zastupničku inicijativu:

„ Vladi Kantona Sarajevo, tačnije resornim ministarstvima upućujem inicijativu za oslobađanje žena plaćanja takse za registraciju obrta, a u cilju motiviranja da registruju obrt i aktivnog uključivanja na tržištu rada.“

Obrazloženje:

Subvencioniranjem naplate takse za registraciju obrta za žene u Kantonu Sarajevo stvara se pretpostavka za registraciju većeg broja obrta, što će pozitivno doprinijeti novom zapošljavanju i pozitivno se reflektovati na budžet.

Učešće žena u radnoj snazi u BiH je značajno niže nego što bi se moglo očekivati i trenutno je jedno od najnižih u Evropi.

Podaci iz ankete o radnoj snazi za 2018. Godinu pokazuje da je u Bosni i Hercegovini stopa aktivnosti žena iznosi 31,4% a za muškarce 53,2%. Taj podatak ukazuje da dvije od tri radnosposobne žene na tržištu rada u BiH nisu zaposlene, a gore od svih ovih podataka u Evropi od nas ima samo Kosovo.

Na osnovu inicijative koju sam kao predsjednica Komisije za ravnopravnost spolova podnijela prema Vladi Kantona Sarajevo je dobio prvi put Gender akcioni plan za period 2019-2021.



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



Ovaj dokument će nam pomoći da vodimo odgovornu politiku, imamo egzaktno podatke o tome, jer trenutno ne znamo efekte sporadičnih mjera u pokušajima postizanja rodne ravnopravnosti, a kojese se sprovodile proteklih godina.

Prema podacima Zavoda za statistiku na području Kantona Sarajevo živi 6% više osoba ženskog spola.

Jedna od oblasti koje su obrađene je tržište rada i zaposlenosti. Prema tim podacima registrovane nezaposlene žene u prosjeku čekaju duže na zaposlenje, a posebno zabrinjava podatak da u kategorijama osoba koje se mogu smatrati dugotrajno nezaposlenim žene apsolutno dominiraju.

U Kantonu Sarajevo je prisutna horizontalna rodna segregacija radne snage. U skoro svim oblastima veća je koncentracija osoba jednog spola u odnosu na drugi.

U pogledu stručne spreme zaposlenih više su prisutne žene sa visokom i višom stručnom spremom, te uprkos tome visokoobrazovane žene u ukupnoj strukturi zaposlenih čine manje od 8% ukupe radne snage. Jaka je veza između društvene uloge žene, njenog obrazovanja, zanimanja i položaja na tržištu rada.

Pitanje veće zaposlenosti žena posebno je važno u ekonomskom smislu jer samo tako mogu dati svoj doprinos stabilnosti društva. Trenutno poduzetništvo je okovano nepotrebnim procedurama.

Neophodno je otklanjanje administrativnih prepreka i uspostavljanje harmonizacije horizontalnog i vertikalnog djelovanja u stvaranju ambijenta koji će olakšati pokretanje novih obrta.

Cilj nam mora biti stvaranje uslova koji doprinose olakšanju poslovanja poduzetnicima, kako bi se osiguralo da svi oni koji imaju poslovnu ideju imaju i adekvatnu podršku i prostor za djelovanje.

Finansijski gubitak na Budžet Kantona Sarajevo će biti zanemarljiv u poređenju sa drugim direktnim i indirektnim efektima, prijesvega jer je riječ o jednokratnom prihodu za Budžet Kantona Sarajevo, a ne stalnim.

Ukidanjem naplate takse, na svakih 1.000 registrovanih obrta, Kanton Sarajevo ne bi imao prihod od 80.000 KM. Sa druge strane, 1.000 novih registrovanih obrta bi zaposlilo najmanje 1.000 osoba, koji će uplaćivati poreze i doprinose, povećat će se potrošnja zbog novog zapošljavanja i dohotka tih osoba, a dio zbog rasta potrošnje će se vratiti i kroz PDV u Budžet Kantona Sarajevo, tako da će pozitivni efekti biti daleko veći od jednokratnog gubitka.

Ovo je jedna od seta mjera koje bi bilo potencijalno stimulatívno provesti, a zasnovana je na podacima koje smo dobili kroz Gender akcioni plan, isto kao i mnogo drugih mjera iz oblasti recimo obrazovanja, socijalnih i drugih mjera.

Ona je privremena, korektivna mjera koja bi trebala doprinijeti stvaranju uslova za društveno jednakih mogućnosti, a u ovom momentu može biti pozitivno diskriminacijska u odnosu na muškarce, kao bi žene imale bolju startnu poziciju.

Ukoliko se kroz analizu nadležnih ministarstava pokaže kao osnovna može se primjerice realizovati kroz zasebnu liniju u budžetu gdje bi bila izdvojena finansijska sredstva za njenu primjenu.“-



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



Odgovor

Vezano za zastupničku inicijativu uvažene zastupnice Bešlija Vildane dajemo slijedeći odgovor:
Zakonom o ublažavanju negativnih ekonomskih posljedica i uštedama u Kantonu Sarajevo propisano je ukidanje plaćanja administrativne takse za spise i radnje kod organa uprave i pravnih lica koja imaju javna ovlaštenja na području Kantona Sarajevo, od stupanja na snagu zakona i 60 dana po prestanku nesreće uzrokovane pojavom coronavirusa.

Dostaviti:

1. Naslovu
2. Stručnoj službi Vlade
3. MF-Sekretar
4. a/a

Pripremila: Zejna Avdić, sekretar MF



MINISTAR



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62

